

disse esser in tutto cardinali 47, e la intrada e condition l'oro; e li amigi di la Signoria, Napoli, Medici; et Alexandrin et Voltera, nimicissimi. *Item*, che Bologna è mal contenta del papa; e quel legato, San Vidal, è misero.

13 *A dì 17.* Fo etiam pregadi, et pur cazà li papalista. Leto 3 letere:

Di Rimano, di sier Domenego Malipiero, provedador di Romagna. Come il papa a dì 10 intrò in Spoliti; anderà a Perosa e Viterbo, e intrerà per il zorno di domenega di Lazara in Roma. *Item*, si partì di Cesena la matina per tempo, e non volse aldir quelli di Cesena, qualli doveano esserli davanti, *adeo* sono rimasti malcontenti.

Di Ravenna, di rectori. Questo medemo; e come il papa à lassato in Ymola Guido Guaim, ch'è contrario di Zuan di Saxadelo, e menato con lui a Roma ditto Saxadelo *etc.*

Fu posto per li savij, d'acordo, che 'l baylo da esser electo a Constantinopoli haver debi di qui di contadi ducati 50 al mexe per do anni; et non potendo aver il resto de li di so consolazi, habi da la camera di Brexa il resto dil salario *etc.*, *ut in parte*; presa.

Fu posto per li savij, dar licentia a sier Domenego Malipiero, provedador in Romagna, vegnir a caxa, perchè più non achade il suo star fuora; fu presa.

Fu provà i patroni di le galie di Barbaria e meterano banco. E nota, sier Zuan Batista Falier tutti i charati è in caxa sua.

Di Valenza, di sier Agustin da Mula, capitano di le galie di Barbaria, di 26 fevrer. Come haveano contratato sede in Armaria, tra nostri et mori, per ducati 30 milia; la mità in nostri.

Et fo disputato certa materia secreta, *ut moris est, videlicet* risposta in qualche loco.

A dì 18. Fo conseio di X.

A dì 19. Fo pregadi. Fo letere di Franza, da Burges, secrete. *Item*, da Milan, come zenoesi erano stà a le man con francesi tenivano castelazo, ch'è uno castello superior al casteleto, et ne haveano amazà certi francesi *etc.*

Intrò conseio di X, con zonta di colegio e altri. E stetenò longi; et ussiti, non comunicò alcuna cossa al pregadi.

Fu posto, per sier Nicolò Donado, consier, sier Hironimo Dandolo, cao di 40, vice consier, sier Alexandro Soranzo, cao di 40, vice consier, et sier Domenego Pixani, el cavalier, avogador, vice consier, atento il resto erano creditori, li savij dil conseio,

et sier Antonio Zustignan, dotor, savio a terra ferma, che atento la piezaria fe' la Signoria al banco nuovo di Garzoni, che li creditori siano fati creditori a l'ufficio di camerlengi. Andò la parte: 3 non sinceri, 33 di no, 73 di sì; *iterum*: 4 non sinceri, 44 di no, et 67 di sì. *Nihil captum.*

Fu posto per li savij, suspender tutti li pagamenti per le camere di terra ferma, per do mexi, exeptuando le porte e le forteze, *ut in parte*. Et fu presa.

Fu fato seurtinio di baylo a Constantinopoli. Rimase sier Andrea Foscolo, è ai X savij, *quondam* sier Hironimo. El qual è questo:

184 *Electo baylo a Constantinopoli.*

Sier Francesco Zigogna, fo di pregadi,
quondam sier Marco, 85. 99

Sier Marco Gradenigo, fo soracomito,
quondam sier Zusto, 29.150

† Sier Andrea Foscolo, è ai X savij, *quondam* sier Hironimo, 97. 85

Sier Zuam Antonio Morexini, *quondam* sier Nicolò, 36.144

Sier Andrea di Prioli, *quondam* sier Marco, *quondam* sier Zuane, el procurator, 86. 89

Sier Zuan Vituri, fo soracomito, *quondam* sier Daniel, 19.162

Sier Antonio Bon, fo provedador in Albania, *quondam* sier Fantin, 48.133 13*

Sier Pollo Valaresso, fo retor e provedador a Napoli di Romania, *quondam* sier Cabriel, 80. 98

Sier Hironimo da Mulla, fo di pregadi, *quondam* sier Zuane, 48.134

Sier Marin da Molin, fo podestà e capitano a Cìvidal di Belun, *quondam* sier Giacomo, 78.102

Sier Lorenzo Minio, *quondam* sier Almorò, 46.135

Sier Alexandro Viaro, *quond.* sier Luca, 54.130

Sier Lorenzo Dolfim, fo ai X officij, *quondam* sier Zuane, 91. 88

A dì 20. Fo da poi disnar audientia di la Signoria. Et morse sier Hironimo Zorzi, el cavalier, era savio dil conseio, di anni 75, exercitato in molte legatione, in zorni 6.

Fu il perdom di colpa e di pena a Santa Maria Mazor et a San Zuan Crisostimo.